

合浦縣志

合浦縣圖書館  
藏書





B0086119

經政志

軍備

海防

唐郡海防以龍門為衝要歷代重視其地守以協鎮大員向日巡哨北海港以之師船皆繫龍門協副將管轄故聞於龍門形勢亦擇而錄之

廣州府南濱大海西距交趾固兩粵之藩籬控蠻夷之襟要方輿紀要

廣東海防當分三路左為惠潮右為高雷廉而廣州為中方輿紀要議者謂三路雖並稱險扼尤莫甚於東路亦莫便於東路而中路次之西路高雷廉又次之西路防守之責可緩也是對日本倭島而言則然矣而三郡逼近占城暹羅滿刺安南諸番海國見聞錄

錄帆易達至廉州之境尤為全廣重險故兵符特劄於靈山達寶塔屯於衛北邊鎮錄作兵將特駐於靈山建堡塔屯於衛北海寇之警同（犬旁）獠之擾外

夷之侵有兼憂焉方輿紀要雷州自遂溪徐聞海康向南而出四百里為海安自海安繞西北至廉州之冠頭嶺中由雷公沙永安

城調埠川江白龍港處處沉沙難以名載而外洋則有匪（水旁）洲當雷廉瓊三郡之中惟盛夏南風大作不可停舟餘時皆可

灣泊盜船來往憩息其中冠頭嶺而西至於欽州防城中有龍門七十二運島嶼懸雜逕逕相通搜捕匪易故西路盜匪較東路

為尤其海國見聞錄

瓊固全粵外戶而西南雄都尤以瓊為廉之外戶通志

海在欽州南二百餘里自此揚帆一日至西南岸即交州潮陽鎮永樂五年尚書黃福議交趾萬甯縣接雲屯海口並連廣東欽

州地方最為險要宜於欽州所添軍立衛是也圖經雲屯海鎮在交趾新安府雲屯縣之雲屯巖內海中番賈舟船多聚於此永



樂中設市舶提舉司其山摩空直竦兩山對峙一水中通自海門黎母山發船西行水程九百里至海寶山自海西北行水程三百里至鷄唱門入雲屯鎮就此鎮轉入新安府或安那州皆便道又州西南有六水口諱家水口黃漂水口藏埔水口西陽水口大灣水口大亭水口並各入海之路皆設軍戍守方輿紀要

三才圖云龍門爲欽州南鄙咽喉凡在廣東西面占城暹羅諸島入內必由龍門經過則不止爲一州隘口實全廣西路要區也

周志

龍門地枕交夷爲東省西路咽喉距欽州城水程六十里順風揚帆倏可到重峯疊嶂錯落大海中盜賊易踞爲窟穴其東三十里有牙山爲龍門外戶距牙山二十里名金古嘴迤東爲烏雷港迤南爲冠頭嶺其西十里有紅沙萬（水旁）三口浪又其外爲馬鞍山石龜嶺漁洲坪白龍尾皆海外扼吭之區再西七十五里爲防城與交趾陸路接壤由防城而進有三都四峒皆崇山峻嶺狼狽雜處密邇交夷據形勢以籌全策是守土者所當留意也

龍門地方廣袤十里兩山對峙若門中有石若砥柱曰將軍石有山曰阿公山當中堵截內環巨浸名內海欽江漁洪二水合流會於猫尾出大海故曰龍門東經牙山烏雷達瓊巖諸郡西經三口浪洲墩達防城交趾永安州實一州要害之地

龍門北距欽州城水路六十里東距牙山海道二十里距烏雷六十里距府城三百八十里南臨大海距圖（水旁）洲一百九十里西南至漁洲坪與安南交界之西規沙海道一百四十里蓋海外要區西南之屏障也

龍門在州治南山勢起伏川流迴抱冠頭嶺拱其南烏雷峙其東三波踞其西州城擁其北巨海環於西南中有七十二運運運相通占城暹羅真臘爪哇滿刺加三佛齊等（水旁）泥天方西洋等國入內洋由龍門經過建營於此實爲扼要

## 沿海臺汛

長墩關在欽州西南五十里

漁洪關在欽州西三十五里安遠有如洪若即此

天板關在欽州西六十里今無考

茶陵關在欽州東入靈山縣治無考

南港在欽州南陸丁里東有青鳩礮臺西即南港礮臺北有長墩東西兩岸礮臺

牙山汛在龍營東水路二十里西與紅沙灣汛相對建設礮臺凡商船入欽州道必以此為龍門內戶左營千總防守并兵礮位詳兵制

烏雷汛香爐墩礮臺在龍營東南水路六十里西與三口浪汛遙相對峙該汛係安南出入必由之路為廉敏龍第一重門戶右

營把總防守并兵礮位詳兵制

大觀港汛西砲臺在龍營東水路一百里與康營東砲臺隔河對峙此港外臨大洋內分三汊直通平銀渡那黎墟丹竹江等處

砲臺正當其衝右營把總防守并兵礮位詳兵制

大觀港水由丹竹江入分為四東那龍港牛筋港西洗牛港二娘灣復合入絲螺港海面遼闊十有餘里此港砲臺乾隆間西

場士民派修廣營汛兵防守嘉慶五年詳准在官修理

三汊口汛在龍營東水路二百二十五里外連冠頭嶺內接府城實為廉郡門戶右營千總防守

永安城汛砲臺在龍營東水路四百八十五里該汛為高雷瓊海道咽喉右營守備駐此防守并兵礮位詳兵制東至山口陸路一

十五里西至沙尾水路三十里南至砍馬墩陸路一丁里北至丹兜陸路六里水由英羅沙老鴉沙奇流沙段州沙入港分為五

永安港榕根港濱洋港珠場港牛矢港港口錯雜最為要區

山口汛 距龍營水陸路五百里外委一員協防

西山汛 距龍營五百一十里

英羅汎 下至砍馬一十里外委一員協防

砍馬汎 下至對達一十里

對達汎 下至沙尾一十里

沙尾汎 距龍營四百五十五里下至白龍城陸路十里

白龍城汎 在龍營東水路三百二十五里路府治東南水路一百六十五里冠頭嶺東水由西沙入於港分為四曰白龍港舊

場港白虎港陳瓊港外即鬼老帽西灣港口錯雜易藏奸弁兵詳兵制

按龍門至永安城相距四百八十五里中間並無武職大員未之呼應鮮靈而該處實為水陸中權設汎於此最關扼要係外營把總專防

珠場汎 距龍營三百五十五里上至白龍城水路三十里下至調埠汎陸路三十里外委一員協防

隴村汎 下至川江陸路一十里

川江汎 距龍營四百伍里下至康營謝家村界陸路五十里

已上二城九汎俱屬合浦縣地僻處東隅為龍營左腋水陸各半表裏相依固圉之法備矣俱龍門右營管轄弁兵詳見兵制

紅沙灣汎東與牙山相對為龍門內戶

三口浪汎東與烏雷相對為西南要路實龍門第二門戶石龜嶺砲臺與白龍尾相對商漁湊集華夷接壤不獨為龍門第一重門戶又為高甯廉邑一重門戶

防城汎居龍門右腋與交趾陸路相接狼狽雜處峻嶺崇山實欽龍要害之區

漁洲坪汎砲臺又東為蓬羅港砲臺該汎濱臨大海與安南夷洋交界

水營汎

已上俱屬欽州地水汎俱龍門左營管轄弁兵詳見兵制

東興街汎與安南萬甯州之芒石旁街止隔一河潮退則陸路相通且安南屬之江坪常山等村切近在左誠西路第一要汎

羅浮峒汎 思勒汎 那梭汎 那馬汎 漸凜汎 松柏隘汎 埔崙汎 北崙汎 白鷄汎 扶隆汎 王光山汎 大基汎

已上十二汎俱屬欽州邊地南連交趾四接廣西為龍營右腋重巒疊嶂要在設險以固藩籬也俱龍門左營管轄弁兵詳見兵制

冠頭嶺礮臺台浦在府治西南八十里外係大洋與欽州烏雷礮臺對峙東至白龍城水路一百里西至大觀港水路一百二十

里北至乾體水路五十里東南至濶洲八十餘里廉營管轄弁兵礮位詳兵制

八字山礮臺台浦距府城十六里水由州江口流入西門河分為三一由公鵝灘出白鬚口一由洪潮江出大燕子入海名三汊

口廉營管轄弁兵礮位詳兵制

乾體礮臺台浦在府城西南十五里

泥江口礮臺台浦在府城西北五里康熙間海寇劫掠西洋江白屋海山等處設汎兵防守乾隆間因礮臺近江大水冲沉基址

遂廢

上洋塘 距府城西二十里

長坑塘 距府城西三十里

新立塘 距府城西四十里

烏泥塘 距府城西五十里

烏冢汎 距府城西六十里

南(虫旁)蛇塘 距府城西七十里

芋蒙塘 距府城西八十里

丹竹塘 距府城西九十里

賣粥塘 下至欽州舊鋪塘一百一十里

已上礮臺汎塘廉營管轄弁兵詳見兵制

按前述各營所屬汎地已見於兵制似可無庸重載但彼特紀其臺汎之相聯與派兵之多寡以表定制耳茲因其地勢環海匪艘往往由之出沒即屬陸汎亦為沿邊要害之區故復詳載於此俾有防海之責者尤知加謹云

### 內外洋面

內外洋界祇就中國所管洋面言之非內華外夷也

#### 合浦縣內洋界

大觀港 亞丞港 那隆港 蠻魚港 濬頭 調埠 燕子港 三汊港 八字山 冠頭嶺 北灣 南灣

陳瓏港 榕根港 永安港 英羅港 隴村 川江 砍馬墩 對達

#### 合浦縣外洋界

九龍沙 雷金沙 白虎沙 珠場沙 斜陽 高沙

#### 欽州內洋界附

貓尾海 黃坡門 亞公山 埔崙港 東西茅墩 金鼓港 洗牛港 烏雷門 絲螺港 牛頭灣華夷交界

三口浪 石龜頭 漁洲坪 紅沙灣 獨欖 欖埠 王城澳 白沙灣 老鴉洲 漁埔港

欽州外洋界附

白龍尾 老人沙 象鼻沙 玳瑁沙 西規沙 華夷交界 紅排石 青苔頭 猪仔門 三墩

按舊制海防處分惟港內失事責之汎守若在內外洋則委之莫可稽考康熙五十四年大部以汎守推委行造內外洋名以專責成法嚴而密莫以加矣周志邊隘門止書內洋而不書外洋實屬缺略茲增於此俾文武各凜巡防云

清知州馬世祿設龍門水師議

龍門當欽州咽喉爲高雷廉門戶島內七十二巡最易蔽奸明末海寇據爲巢穴國初於乾體水師增船增兵可謂有備無患但船舶內港控禦不得其久而置欽州沿海西鹽白皮等場於戶外所以三十餘年間海寇鄧耀揚彥迪等攻城掠野殆無虛日職身任地方洞悉情形前者捕勦海寇時卽於一爲逆渠未殲請圖善後之策事又於一爲通逆復敢猖獗請亟賜剿除等事又於一爲龍門爲必守要地請設舟師等事將龍門應設水師緣由三次具詳在案而新會游擊梁斌統師親歷其地亦有龍門兩經掃蕩宜設兵安營以固邊疆之請與職所詳先後不謀而合蓋龍門海面與交趾相接內地奸民勾連賊艘烏台蟻集海氛未靖歷有年所若設立官兵增造戰船卽駐龍門以資彈壓則我據賊之險而賊無鷓鴣之地所謂扼其吭而手足自僵者此也再於牙山烏雷等處建置礮臺分宗舟旁布守特爾相應更爲嚴密處否以乾體之兵酌量移駐是兵不添設餉不加增俾高雷廉沿邊沿海藉爲保障洵爲百世之良策故守乾體不若守龍門爲得地利也或云欽州既設游擊無庸再議龍門然禦賊者禦之於門外未聞禦之於門內此又情事之顯而易見者今潮州遠濠廣州虎門俱設重兵龍島爲高雷廉三郡門戶豈獨輕於廣潮乎如守龍門不特可除海寇目前之患併可弭交趾睥睨之端事關海疆重計謹具蠡測冒昧上陳清粵督松筠水師章程摺

爲查明原定水師章程核與現在洋面情形酌改雷瓊鎮總兵營制釐定西路洋巡以重海防以專責成事竊照粵東地方添



設水師提督等以分船巡緝洋面緣經前督臣百齡會同水師提臣童鎮陞分摺奏奉諭旨准行並准部咨將一切未盡事宜分別題咨核辦等因遵照辦理在案臣松筠到任後查察粵東洋面西路尤為寬廣南值區之水陸營制之初必須因地制宜通盤籌畫以期慎密海防伏查原定洋巡章程中東西洋面區分五路上下十班粵東水師總兵三員僅敷統巡三班其餘七班照例派委副參代巡粵東通省水師營制內河外海共三十三營又崖州營地處極邊山海交錯向係水陸相兼業經前督臣百齡奏明仍循其舊中路虎門水師提督統轄東上之南澳等共五營係南澳鎮總兵統轄東下之碣石等四營係碣石鎮總兵統轄東中兩路水師各營聲勢聯絡極為周密控制亦屬得宜惟西上西下兩路水師共十一營幅員（巾旁）遼闊海面汪洋幾及二千餘里原議統歸陽江鎮總兵管轄實有鞭長莫及之勢茲准水師提督咨稱西上西下兩路各營區分水陸今昔規制不同即如海口海安各協營逼近海南實為全瓊門戶今撥歸陽江鎮管轄路途遙遠稽察難周一切緊要文報亦恐稽延貽誤而極邊之龍門協逼近夷洋距陽江十有餘里更難策應稽查從前粵洋海寇縱橫皆由師水兵防不甚周密之故此查符清息營制新更正須調度機宜詳悉釐定免致稍有偏廢等因適提臣童鎮陞巡查內河來省臣等公同面商因查雷瓊鎮駐劄瓊州府城乃西路適中之地該鎮向係陸路總兵兼轄水師營汛瓊南孤懸海表四面環瀛應將雷瓊鎮改為瓊州鎮水師總兵該鎮標左右二營萬州營（人旁）州原設陸路各營及水陸相兼之崖州營均駐瓊州防黎緊要仍歸該鎮兼管其原轄之雷州營徐聞營及上年移駐白沙塘之雷州右營俱駐劄雷州地方應改歸陸路之高州鎮就近統轄自陽江至東海為西上路所有陽江鎮標左右二營崖州營吳川營甸（石旁）洲營東山營均歸陽江鎮管轄自海口至龍門為西下路所有海口龍門海安崖州各協營均歸瓊州鎮管轄臣等謹按現在釐定洋面情形籌議西上西下兩路及西上之東海西下之龍門各分上下班派員巡洋搜緝庶邊境大洋各有水師重鎮分轄會哨緝捕益昭嚴密至瓊州鎮既改為水師應出洋巡哨必須熟諳之員方足以資駕馭查現在高州鎮總兵洪鼐係由香山協副將擢任總兵

該鎮原係水師出身於舟師巡哨事宜均屬暢曉應請旨將洪楚調補瓊州鎮水師總兵所遺高州鎮陸路總兵員缺卽以現任雷瓊鎮總兵馬應國對調如此一轉移間於水陸各得其人營務較有裨益如蒙俞允所有應換關防各事宜逐一核議詳細造冊咨郵外所有臣等籌酌改營制緣由會同提臣合詞恭摺具奏並另繕釐定西上西下兩路派員分巡洋面清軍敬呈御覽

清知府張增安口營汛章程議

會同副將謝恩詔詳覆

業奉督憲札飭將廉州府屬海口坐落州縣地方土名交界扼要口岸營汛形勢及洋匪大船是否能進口登岸各營相距里數可取淡水之徑有無礮臺應否添設彌卡及礮臺內礮位數目飭重汛兵是否足額如何雇募鄉勇協同防守並額設戰船若干是否巡防兩皆有備漁船蛋艇有無稽查章程此時應如何妥為查辦所有未報現在存營若干有無損壞遺失另以別船充數一並查覆會同妥議繪圖註說分款條稟等因奉此職等遵查廉州府屬合靈三州縣除靈山係屬內地並無洋面外合浦縣與府同址欽州府城之西臨二州縣南臨洋海西接安南港汊多岐四通八達凡屬小船隨處皆可登岸惟大船必俟潮長方能出入而華夷接壤地方犬牙相錯處處可通職詔龍門協係屬水師設自康熙年間駐劄欽州之南懸處孤島四面環海內有七十二逕逕逕相通為欽州之咽喉高雷瓊之門戶周圍設立墩臺八座并於東西要口設立砲臺分船布守特爾相應實為緊要之區東自高州府石城縣屬之雷公沙起至西覘沙安南夷洋止綿亙八百餘里中間有冠頭嶺八字山大觀港礮臺三處係陸路廉州營管轄均坐落合浦縣地方廉州營之西有大觀港烏雷牙山石龜頭嶺礮臺四處及紅沙灣三口浪等處海汛係職詔龍門協管轄坐落欽州地方廉州營之東有三汊白龍等處海汛亦係職詔龍門協管轄均隸合浦縣屬各墩臺營汛雖相距遠近不一聲勢尚屬聯絡凡出淡水處所俱有兵役鄉勇防守此外尚有合浦縣屬之電白寮白虎頭大墩南萬（水旁）角冠頭嶺後山地角北海龍頭江西場等處乃廉州營所轄各汛多有山阜間隔港汊紆迴難保無匪